

seyn wolte / dann diß Herkenleydt ansehen. Wann derhalben solche schwere letzte Zustände vnd Vbel daher gehen / die nun den Krancken Menschen jämmerlich auffstehen / ihn recken vnd strecken / daß er alles vmb sich schlegt vnd stößt / kloppft vnd strampfft / ja es zeucht ihm dieselber grewliche Hencker sein Geäder vnd Flachs zusammen / krümme ihn / foltert vnd martert ihn / daß ihm der Zescht oder Schaum vff dem Munde liget / regt vnd streckt ihm seine Gliedmassen jetzt hinder sich / jetzt für sich / oder wie solchs zu gehet. Dann diese convulsiones, Convul- siones u- niversa- les. brechen vnd Vergicht univertales seyndt / daß ist / sie strecken vnd brechen den ganzen Leib : Vnd particulares, Particu- lares. das ist / sie nehmen sich je nur vmb ein Glied oder zwey an / als die Augen / Nasen / die Rien / die Backen / den Hals / reißen oder treiben sie herum / Etwa nuhr ein Arm oder Bein. Sie seyen nun / wie sie wollen / ist nicht viel guts an diesen allen / teste Hipp. Aphor. 2. 18. Convul- sio in vigilia vel desipientia malum. Item Aphor. 2. 26. Convul- sioni febrem supervenire melius est, quàm feбри convulsio- nem. So soll man für allen dingen sich mit hülkenen Schäußelein versehen / daß man baldt dem Krancken damit in Mund fahre / ehe er ihn hart zubeißt / daß er die Zung nit abbeisse / oder sonst hefftig verwunde / vnd damit ihm der Munde offen behalten werde / daß er nicht von stunden an ersticke / alsdann soll man sie gemach vest vnd starck halten / nidertrucken / ihm mit Handtzwehlen Arm vnd Bein bin- den / damit er solche nicht vnbillich hin vnd wider schlag / sich nicht stosse / oder sonsten elend sich zusammen ziehe / vnd seinem Leib schaden zufüge. Man soll auch von stundan mit subtilen warmen Tü- Suffumi- gia. chern gefast seyn / damit man ihm Arm vnd Bein / vnd den Kuck- Succinũ album, grad wol abwertz außstreichet / auch baldt ein Rauch machen / der die Geister des Lebens bewege vnd widerbringe. Darzu ist der weiß Succus rhi- ta aceto mixtus naribus injectus Agstein fast dienstlich angezündt. Etliche vermeynen stinckende vel inun- ctus, facit epilepticos surgera, Ding / als Galbanum vnd dergleichen / Item angezündte Federn vnd Haar sollen besser seyn. Aber ich weiß nicht / was solche für ra- tionen haben / ich laß bleiben.

Wie ich oben vermeldt hab / weiß ich kein ding / daß in diesem hinsal- ten den Menschen ehe wider zu Sinnen gebracht hat / als der Rau- tensafft